

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренцијски савет

MIŠLJENJE

**na Nacrt pravilnika o opskrbi kupaca električnom energijom u Brčko Distriktu
Bosne i Hercegovine**

Sarajevo
listopad, 2013. godine



Broj: 01-26-7-19-1-I/13
Sarajevo, 10.10.2013. godine

Na temelju članka 25. stavak (2) Zakona o konkurenciji ("Službeni glasnik BiH", br. 48/05, 76/07 i 80/09), a po Zahtjevu za davanje mišljena podnesenom od Državne regulatorne komisije za električnu energiju Bosne i Hercegovine, M. Jovanovića 4, 75000 Tuzla, zaprimljenog dana 13. 9.2013. godine pod brojem: 01-26-7-19-I/13, Konkurencijsko vijeće Bosne i Hercegovine, na 69. (šezdesetdevetoj) sjednici održanoj dana 10.10.2013. godine, je donijelo

MIŠLJENJE

Nacrt pravilnika o opskrbi kupaca električnom energijom u Brčko Distriktu Bosne i Hercegovine, usaglašen je sa Zakonom o konkurenciji.

O b r a z l o ž e n j e

Državna regulatorna komisija za električnu energiju Bosne i Hercegovine M. Jovanovića 4, 75000 Tuzla (dalje u tekstu: DERK ili Podnositelj zahtjeva), podnijela je dana 13.09.2013. godine Konkurencijskom vijeću Bosne i Hercegovine (dalje u tekstu: Konkurencijsko vijeće), Zahtjev za davanje mišljenja na Nacrt pravilnika o opskrbi kupaca električnom energijom u Brčko Distriktu Bosne i Hercegovine (dalje u tekstu: Nacrt pravilnika) u smislu usaglašenosti istoga s odredbama Zakona o konkurenciji.

Na temelju odredbi Zakona o prijenosu, regulatoru i operateru sustava električne energije u Bosni i Hercegovini ("Službeni glasnik BiH", br. 7/02, 13/03, 76/09 i 1/11), DERK ima ovlaštenja da uređuje i djelatnost proizvodnje, distribucije i opskrbe kupaca električnom energijom u Brčko Distriktu Bosne i Hercegovine.

Podnositelj zahtjeva navodi da je predmetna materija ranije bila uređena Odlukom o opskrbi kvalificiranih kupaca u Brčko Distriktu Bosne i Hercegovine („Službeni glasnik BiH“, broj 89/11) o kojoj je Podnositelj zahtjeva prethodno dobio pozitivno mišljenje Konkurencijskog vijeća Bosne i Hercegovine broj: 01-26-7-17-1-I/114 od dana 20.10.2011. godine.

Uvidom u tekst Nacrta pravilnika i poređenjem istog s tekstom Odluke o opskrbi kvalificiranih kupaca u Brčko Distriktu Bosne i Hercegovine koja je ranije definirala ovu materiju (na koju je dato pozitivno mišljenje), Konkurencijsko vijeće je utvrdilo da je Podnositelj zahtjeva dodao neke nove odredbe, neke tehnički dopunio i detaljnije pojasnio (opskrba kupaca električnom energijom, čl. 4., 5., 6., 7., 8., 9., 10. i 11. i Promjena opskrbljivača čl. 23., 24., 25. i 26.), ali se istim nije promijenio smisao i suština prethodne Odluke.

Naime u dostavljenom Nacrtu pravilnika u dijelu *II Opskrba kupaca električnom energijom* Podnositelj zahtjeva je definirao pojam javnog i rezervnog opskrbljivača (čl. 6. i 7.), te detaljno naveo stavke koje mora sadržavati ugovor o snabdijevanju između kvalificiranog kupca i opskrbljivača (članak 9.), kao i ugovor o korišćenju mreže između opskrbljivača i operatora distributivne mreže (članak 10.). Kvalificirani kupac i opskrbljivač kojeg on slobodno izabere

zaključuju ugovor o opskrbi električnom energijom, te slobodno ugovaraju količinu, cijenu i period opskrbe (članak 9.).

Također, u dostavljenom Nacrtu pravilnika detaljnije su obrazloženi prava i obveze opskrbljivača (dio IV, čl. 14., 15. i 16.) kao i postupak promjene opskrbljivača u slučaju kada kvalificirani kupac namjerava da promjeni opskrbljivača i u slučaju gubitka opskrbljivača (dio VI, čl. 23., 24., 25. i 26.).

Nacrt pravilnika trebao bi doprinjeti razvoju i boljem funkcioniranju tržišta električne energije u Brčko Ditraktu Bosne i Hercegovine, te na potpuniji način regulirati pravo kupca na slobodan izbor i promjenu opskrbljivača električnom energijom, odnosno zaštititi kupca u slučajevima kada ga opskrbljivač prestane opskrbljivati električnom energijom.

Iz iznesenoga proizilazi da je Nacrt pravilnika usaglašen s odredbama Zakona o konkurenciji, te je Konkurencijsko vijeće donijelo Mišljenje kao u izreci.

Predsjednik

Gordan Raspudić